



Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

§ IV. Quod voti scriptor friuolè ac partialiter arguat subreptionis priuilegia
Maximiniana.

urn:nbn:de:hbz:466:1-14268

ratoris potestate qui est sub potestate Vicarii Imperatoris: Atqui Archiepiscopus Vicarius est Imperatoris, Ergo dum sunt sub Archiepiscopo, non sunt sub alio quam sub Imperatore, id est, sunt sub Archiepiscopo, & non sunt sub Archiepiscopo, sunt sub alio, et si non sunt sub alio.

Errores sunt, in quos nonnunquam labi contingit viros ceterum graues ac doctos atque etiam bonos, vel ex illa ingenita sui propositi tuendi cupiditate, quae cuncta mouet ut ad suum intentum pertingat, quae & oculos mentemque remouet ab illis, quae ex aduerso meliori solidiorique fundamento disceptarentur, vel ex ipsis naturae humanae conditione, subiectione ac infirmitate, de qua in seipso Vir quispiam inter nostri saeculi sapientes est primariis, *cum homo sim, ait, errare mesco non solum posse, sed & debere.*

Bonum autem mentis est, indicatum errorem agnoscere ab agnitoque discedere, ac quod idem ille monet: fateri *bonum esse à veritate vinci.*

Præstaret id (confidimus) ipse voti auctor si supercesset (nisi tu ille ipse sis scriptor, saltem in quibusdam si non in omnibus) ac quilibet sincerus lector ita censebit,

§. IV. Quod voti scriptor fruole ac partialiter arguat Subreptionis priuilegia Maximiniana.

Priuilegia Maximianorum luce clariora esse alibi afferuit votum, alibi subreptitia dicit, in hæc verba: *Itaque dicendum est Prinilegia Maximiniana subreptitia esse, rationem subiungit; Quia, inquit, Friderici Barbarosse priuilegium de Abbatis præsentia testatur, & ob id debuisset de eo protestari.*

Art. I. Ratio voti auctoris fruola ostenditur, & in Archiepiscopum retorquetur.

Potens fuerit præsentia istius prætensa vitium, si contagionem destructivam in tot tantaque Diplomata longè anteriora ingerat.

Nunquid & illa præsentia testatio subreptitiam reddet Ottonis Magni anteriorem illam sententiam, quæ, causæ cognitione plane habitâ, ipso Archiepiscopo audito ac præsente, pro Maximianorum Iure adeò solemniter latâ fuit?

Et an Dagoberti Regis Decretum, tam seriâ inquisitione prolatum, totis saeculis Fridericianum illud antecedens?

Iudex haberi vult voti auctor, & te pro tali gerit: at mirum est, cum tam perspicaciter subreptionem videat ac notet erga Maximiniana Diplomata, ipse de Archiepiscopalibus nihil.

Quamvis, qualia illa sint, in sub: & obreptionis puncto, cuius primo intuitu patet ad oculum, & ex alibi dictis ac depositis facile dignoscitur.

Ac quantum ad præsentiam attinet, si illa ad subreptionem colligendam consideratione digna, quid dicet voti auctor circa illam eandem Ottonis M. sententiam, in qua Archiepiscopus non solum præsens, sed & tanquam pars condemnatus fuit, ac non solum de illâ protestatus non est, sed & à protestatione, immo ab omni contradictione, iure, ac iustitia exclusus fuit?

Deinde respice Diploma Numer. 26. notatum ab Imperatore Henrico IV.

ad ipsius Archiepiscopi Treuirense instantiam Maximilianis concessum; ibi repertus Archiepiscopum non solum praesentem, ac non protestantem fuisse, sed & postulantem, siue intercedentem.

Considera etiam totalia, agente vel praesente Archiepiscopo, concessa, ut, quod est sub Num. 30.

Et cur non, & ob illam eandem causam Archiepiscopalium Impetrationum subreptionem arguis?

*Art. 2. Quod incepit etiam inferat Abbatem Abbatiæ statui,
Iuribusque renunciâsse ob prætentam illam in Fridericano
præsentiam, quod & magis de Archiepiscopo dicere oporteret.*

Sed & aliud subnecet votum; At, inquit, ei priora priuilegia non videntur prodesse, quia renunciâsse per hoc (per testationem scilicet de praesentia in Fridericano) apparet.

Valuerunt ergo priora priuilegia, sed Abbatis renunciatione ab illis deinceps excluditur Monasterium.

Renunciationem, & illa mediante, sublationem tantorum Monasterij iuriū facile inducis, quam pro Archiepiscopo tanta disputatione antea pernegasti.

Verbo isto multa deciduntur, quæ à bonis iudicijs nihilominus examinanda supersunt.

De Fridericano illo Diplomate haec tenus plus satis dicta sunt, ut & de prætento illo Sigenero, non quidem Abbatे vero, sed intruso ac supposito, immo neque idem Diploma signante, sed tantum inter ceteros ac alios multos ad actum indifferentes tanquam teste, numerato, quæ nec hic repetam, videbit illa suo loco lector.

Sed ut istam questionem tangamus, an præsens iuri suo renuntiare censatur; hæc omnia, ea que sat multa puncta introspicienda sunt.

An præsens & tacens consentire videatur?

An præsens, ut testis?

An non subsignans, neque ullum actum posituum faciens?

An in re arduâ, magnique, immo maximi momenti ac præiudicij?

An expeditio impediri poterat per tacentem, nec ne?

Præsupposito, præsentiam introducere consensum ad actum, qui geritur, an iste inducat translationem siue donationem rei propriæ?

An rei alienæ?

Siue, An qui non habet potestatem alienandi, multò minus donandi, possit per confessionem tacitam, immo expressam, ac per quæcunque volueris, inducere præiudicium in te, de qua disponere non potest?

In specie; An Prælatus habens conuentum, siue Capitulum, possit per ullum actum alienare, donare, euertere iura (præsertim fundamentalia statumque radicalem concernentia) sui Monasterij?

Immo, An ipsum Monasterium ac Capitulum simul cum Abbatе illud posse sint, absque causâ necessariâ, debitissimâ solemnitatibus?

Plurima illa sunt, quæ leuiter inferuntur ex nominatione Sigeneri inter testes simpliciter permixti.

Quæ

Quæ illatio facili negotio refellitur, hisce, ad illas quæstiones, Responsioribus: nam quoad illam; An præsens censeatur fateri, vel negare, vel consentire? reperies passim adeò obscuram, incertam ac perplexam esse inter Doctores, ut nescias quid ex eorum opinionibus resoluas; adeò vt fatendum sit, non posse de illa certam regulam in vniuersum constitui, præter fortè illam Iurisconsulti in l. qui tacet. 142. ff. de regulis iuris. *Qui tacet, non utique fatetur, sed tamen, verum est, eum non negare;* ita vt taciturnitas, neque confessio sit, neque negatio: sed quid medium inter utramque, à quâ regulâ excipi debeant in particulari causis illi, de quibus per leges specialiter dispositum est, induci confessionem aut consensum, vel vice versa dissensum induci.

Atqui præsentem, tanquam testem consentire dispositioni, non est dispositive per leges, præsertim cùm simpliciter narratur adfuisse vt testis, nullo actu positivo ab illo præstito.

Immo in contrarium specialiter ac expressè disponitur, præsentem tanquam testem, &c, quod magis est, illâ qualitate signantem, siue dispositioni subscriptentem non consentire, neque sibi præiudicare.

Adeò vt, cùm casum hic habeamus legis, speciale ac expressum, non inquirendum sit in quæstiones illas vagas ac generales, infinitis ambagiis, diuisionibus, subdivisionibus, conditionibus subiectas.

Textus autem illius casus est specialis & expressus in l. Gaius Seius 39. ff. de pignorat. act. ibi, *Quero an ex hoc, quod signans, præiudicium aliquod sibi fecerit &c. Herennius Modestinus respondit contractui pignoris non obesse, quod debitor testamentum creditoris, in quo se emisse pignus expressit, signasse proponitur.*

Vbi Gothf in glos. Subscribens, inquit, seu signans Instrumentum vel testamentum vt testis, sibi non præiudicat; rationem iungit; *Quia non id signat quasi contrahens, aut, vt se contrahendo obliget, breuiter addit;* *Qui ut testis subscriptus, probare ea non intelligitur quibus subscriptus.*

Subscriptio, si est ad substantiam actus, præiudicat; si ad probationem, vt testis, secus. Card. Tuschus verboprasentia, conclus. 603. n. 21.

Actanè, notabile est, quod Abbas ille prætenitus Sigenerus in illo prætenso Diplomate nominatur in qualitate testis, non in qualitate contrahentis.

Atque etiam enumeratur quodammodo in turba ac in medio tot aliorum, ad quos nihil istares pertinebat; Vnde sequitur, quod in tali qualitate contrahentis non interfuerit actu, siue quod consensus eius dispositiū adhibitus non fuerit.

Si enim taliter adhibitus fuisset eius consensus, quid impediueret illud in Diplomate exprimere, cumque, tanquam partem renunciantem in dispositiō actus inferere? Præsertim cùm de eius, siue de Monasterij negotio, cui præesse debebat, ageretur, illud que bene exigisset grauitas negotij, speciali sane nota dignissimi.

Verisimile est tunc temporis prætensum illum Sigenerum inter cæteros generali negotiorum in Comitijs expeditorum tractatione visum ac repertum, etiam inter alios Comitorum confortes in hac expeditione ex stylo à Diplomaticis expeditore, fuisse insertum.

Immo, quod magis est, cùm inter præsentes nominetur, de eius autem consensu expresso nihil afferatur, tantum abest, vt pro consentiente, quin & imo pro dissentiente habendus sit, *Alexand. lib. 7. conf. 180. numer. 3. & 4.* cuius hæc sunt verba.

Quia, respondeo primo, quod in dicta scriptarā non dicitar, quod dictus Nicolaus

tacue

tacuerit vel contradixerit, & sic ex Scriptura illa non probatur tacitus consensus; præterea positio, quod etiam in scriptura continetur, quod D. Nicolaus non contradixit, tamen non per hoc videtur tacite consentire, quia in actibus extrajudicitalibus tacens videtur contradicere, si tractatur de obligando eum ad aliquid præjudiciale. hæc Alexand. l. filius familias §. inuitus ff. de proc. l. qui vas. §. vetare. & l. pen. ff. defur. Innoc. Hostien. Io. And. Archidias.

Vbi Carolus Molinæus in Annot. ad verbum, Poteram, dicit, quod neque isto casu, quando per dissensum posset impedire actus, fiat præiudicium tacendo. alleg. Bald. Fab. Matth. afflct.

Itaque ad nostrum casum, primò non habetur vlo in loco Diplomatis, quod Abbas Sigenerus tacuerit, & non contradixerit, non ergo probatur eius taciturnitas, atque adeò præter deficientiam iuris (etiam posito facto) deficit ipsa facti positio sive probatio, immo pro Maximilianis ipsa facti iurisque probatio in contrarium statuitur. Alexander sup. alleg. Ad cuius confirmationem non importunum fuerit hic aduertere textum ab illo citatum. l. filius familias §. inuitus ff. de procurat. qui talis est: Inuitum accipere debemus, non eum tantum, qui contradicit, verum eum quoque qui consensisse non probatur. Vbi Gothefred. Inuitus & pro non consentiente habetur qui taces ubi de eo obligando agitur, & sic taciturnitas ad aliquem obligandum pro consensu non habetur.

Præterea quomodo probatur, quod actum impendire potuerit Abbas? quod omni in casu necesse est potuisse fieri ad hoc, ut taciturnitas vlo modo præiudicet. DD. omnes.

Deinde in casu, quo cæteroquin tacens consentire censeretur, exceptio est, quando ageretur de magno, (& multò magis si de maximo) consentientis præiudicio. Card. Tusclus verb. Præsentia. con. 603. n. 46. alleg. Bart. in quest. 7. verbo, Solatio, col. pen. verbo, Circa Tertium usque in fin. Mascard. concl. 417. verb. consensus, n. 15. & seq. verb. consensum præterea.

Particulariter, præsentia & patientia non inducit consensum, vt inducatur confessio dominij rei meæ esse alterius, quia etiamsi esset confessio expressa ex certâ scientiâ factâ, potest revocari à docto de errore, & rem aliter se habere, ergo multò magis si est tacita. Idem Tusclus, ibidem numero 47. Franc. Aret. eod. conf.

Item præsentia & patientia non potest inducere alienationem seu donationem rei eius, qui est præsens & patiens, quia concurrent duo specialia ex eodem fonte, quod est prohibitum, nempe taciturnitas operaretur confessionem seu consensum, confessio operaretur donationem, idem Tuscl. ead. conc. 603. n. 49. alleg. Franc. Aret. conf. 14. n. 8. vers. Secundò quia hic resularet.

Denique præsentia & patientia non inducit donationem rei illius, qui præsens est & patiens, quando de ea non potest disponere, prout de feudo, Emphiteusi, vel re prohibitâ alienari. Idem ibid. n. 48.

Prælatus habens capitulum & Conuentum, prout Abbas, non potest non modo tacite, sed neque expressè, transfigere, donare, alienare, aut præiudicare Ecclesiæ. Tusclus verbo Prælatus, concl. 500. n. 56.

Immò, neque potest fieri renunciatio à Capitulo, aut Monasterio, nisi sub sit causa, quæ requiritur in alienatione, quia renunciatio de facto, est alienatio. eod. verb. Prælatus, conclus. 160. n. 1. & 5.

Renunciatio iuris acquisiti dicitur quādam donatio vel saltem habet vim donationis. Ibid. n. 7.

At hic obiectur Abbatii concessum esse per Ottonis priuilegium de An-

no DCCCCXLVI posse subiici Monasterium alterius potestati: si illud placuerit Abbatii, ad cuius rei probationem inseruntur in voto è Priuilegio Ottonis extracta hæc verba: *Sed neque ullius prematur ordinationis potestate absque voluntate electi Abbatis.*

Ergo, inquit votum, inde apparet potuisse Abbates tradere se sub alicuius ordinariam potestatem. Item fatentur Luxemburgicam habere Aduocatiam, itaque derogatum his priuilegijs. hæc votum.

Ad que respōdetur, quod diuersa res sit in Aduocatia esse, & sub potestate esse.

Aduocatia munus ac officium est defendendi, tuendi, ac protegendi, non potestati subiiciendi, opprimendi, quæ in gratiam fauorēq; clientum dirigitur.

Ac quantum profuerit domui religiosæ, ac ipsius libertati conseruationiç Luxemburgica illa protectio, euentus successusque rerum à multis retro fæculis docent.

Sed neque soli Abbatii in illam consentire permissum fuit.

Nam in Ottonis II. Diplomate Num. 16. notato, quod de Anno DCCCC LXXIV. etsi de minutioribus illis Aduocatijs, sive particularium locorum defensoribus, aut aduocatis ad nutum reuocabilibus loquatur, tamen non permittitur Abbatii ut solus, sed cum congregazione Capituli potestatem habeat easdem Aduocatias Monasterij sui, cui velut dandi, cuique velit tollendi. Vide Diploma, ac deinde diuersa alia postea subsecuta similia sub.....

Quantum autem attinet ad locum illum ex Ottonis Diplomate decerpsum, responderetur, quod nullum tale reperiatur datum Anno DCCCCXLVI. in quo verba allegata habeantur, neque etiam Scriptor tale quid producit, aut libello suo inseruit.

Exstat quidem apud nos autographum, quod exhibemus sub N 7. Ottonis M. datum anno DCCCCXL. quarto Regni eius, quod etiam in processu Spirensi sub tali dato per fiscum exhibitum fuit, in illo reperiuntur verba ea, quæ voti auctor profert, sed longe alio sensu, nimirum sub his terminis.

Fratres predicti degentes loco tanta religione dedito à nullâ unquam, vim Dominationis patientur, personâ, sed neque ullius premantur ordinationis potestate vel famulatus, absque voluntate electi Abbatis, qui à reliqua promoueatur eiusdem Cenobij congregazione secundum S. Benedicti regulam.

Ex quibus verbis colligitur & deprehenditur statim mala fides auctoris, qui verba illa ita detruncata & manca protulit, omisis antecedentibus; his nimirum: *Fratres à nullâ unquam, vim Dominationis patientur, personâ.* Deinde loco, premantur, dicit, prematur, quasi de Monasterio sit sermo. Item omittit voces illas, *vel famulatus, quæ maximè ad rei intelligentiam faciebant.*

Nam inde liquet Ottonem magnum noluisse Religiosos seruitijs, angarijs, perangarijs, alijsque oneribus grauari, nisi Abbatii id expedire iudicaretur, illisque annueret.

In quo ipso adhuc consensum & voluntatem Capituli non excludit, in alijs Diplomatibus ac à Iure, requisitam, taxativa siquidem non subintelligitur in dispositione, præsertim, cum per illam subintellectionem induceretur interpretatio iuri contraria, *Card. Tusch. verb. Taxativa conclus. 24. quo in loco n. 19. dicit specialiter ad hunc casum. Quod Abbas præsumatur omnia facere de consensu Capituli, nisi dicat per verbum restringens, se fecisse, solum.*

Sed &, ut possint ordinationes aliquæ executioni mandari cum Abbatii solius voluntate, non inde sequitur subiectionem absolutam & perpetuam Monasterij ab illo induci posse.

Scimus quot quantaque negotia, publica, extraordinaria, repentina, transitoria occurrant, militaria, ciuilia, ut his non preimatur Monasterium absque Abbatis permisso aut voluntate; An id erit, ut Abbas fundamentalem Monasterij statum, ipsius foundationes, Imperatorum, Regum, Principum sanctiones, res iudicatas, omnes denique Monasterij res, authoritates ac Iurisdictiones in perpetuum euertere possit?

Alia fundamenta, in tanto operé quārat oportet Archiepiscopus ex suo proprio Iure stabilita, non ex Imaginarijs Abbatum donationibus.

Archiepiscopus semper omnibus conatibus contendit, ut Maximilianum Monasterium suæ aulae annexeret: Maximiani è contra nihil maioribus animis vñquam præstiterunt, quam ut suam libertatem vindicarent; quam in rem tot Imperatorum decretâ, placita, res iudicatas, obtinuerunt, & ista omnia vnius prætensi Abbatis nominatio inter testes in actu, ex se inualido, euerteret?

Sanè si Abbas vilus in tale quid consensisset, non pro sanæ mentis, sed errante, ac à rectâ iudicij ratione deuio, meritò haberetur, aut sanè pro rerum Monasterij prodigo, ipsi per tales profligationem nocendi, incapace.

Sed & præterea, q̄od Sigenerus ille non fuerit Abbas, ac qualiter Monasterium tunc ab Archiepiscopo turbatum, afflictum ac oppressum fuerit, ex his, quæ alibi Sect. 5. & 6. latius dēduximus, dignoscere poterit.

Verù n̄ nequæ nos h̄c absque fortioribus contra Aduersarium in simili argumentis, paulò antè indicauimus Diploma Hentici IV. Imperatoris sub Nu. 26. in quo continetur, quod Archiepiscopus Treuirensis, nomine Eberardus, non solum præsens & consentiens fuerit Confirmationi Priuilegiorum Maximiani Cœnobij, statuenti ut illud sub Imperatorum iure, mundiburdio & defensione consistat, nec alteri sedi, aut Ecclesiæ, excepto Regali potestati successorumque Imperatorum aut Regum, famulum aut appendix vel beneficium subiaceat.

Immo & quod illius confirmationis petitor, intercessorque, cum alijs Archiepiscopis, Episcopisque ipse Treuirensis extiterit, his Diplomatis verbis: *Ob interuentum dilectissimi nobis Adelberti Hamnaburgensis Archiepiscopi, nec non & Annonis Coloniensis Archiepiscopi, & Eberardt Treuirensis Archiepiscopi &c.*

Quid ad hoc? An non vel voto ipso iudice validius inde argumentanda inferendaque fuerit Archiepiscopi renunciatio, quam per simplicem Abbatis inter testes nominationem?

Hic enim interuenit actus positivus ad ipsam actus substantiam, qui sanè cōsensum inducit, præiudicatq; etiam in præjudicalibus. *Card. Tusch verb. Præsentia, concl. 603. n. 18. & 19.* Consilium siquidē & collaudatio cū præsentia sunt actus positivi, qui inducūt consensū. *Idem ib. n. 30. alleg. Tiraq. de retrac. Gentil. § 1. gl. 9. n. 157.* Item, sollicitans causam vel negotium, cui fuit præsens, dicitur actum positivum fecisse, ut sibi præiudicet. *Idem Tusch. ibid. n. 31. alleg. Tiraq. de Legib. connubialibus §. Expars. glof. 7. n. 29. insine.*

Deinde quid de tot alijs Archiepiscoporum confessionibus, quæ per alia documenta supra edita patescunt, dicendum fuerit?

Præterco h̄c cætera, ne dicta repetam, sed vnum illud quo nuper denuo confessi sunt, Archiepiscopi, expressa scriptura, *Membrum esse Insigne imperij, feuda esse Imperatoria, infeudare se nomine autoritateque Imperatorum*, si de confessione aut consensu tractandum sit, ad effectum renunciationis, an non habendum fuerit non solum pro tacitâ, sed pro expressâ renunciatione?

Cur & hæc non dicta, non tacta in voto?

Art. 4. Diuersi alij Errores, Incongruentiae & contradictiones indicantur.

A Libi passim in similes incidit Errores.

Iam expressimus refutauimusque illos, vbi infert Abbatem se submissum omnime modae Iurisdictioni Archiepiscopi officij iure, quia (inquit) se illi tanquam Imperatoris Vicario submisit ex Diplomate Maximiliani I. quod vriue solummodo mandatum continet de renouandis Inuestituris Imperatoris nomine.

E diuerso afferit in eodem illo Diplomate nouam donationem contineri omnium Iurium Monasterij, ita ut per idem Diploma omnia Archiepiscopo donata sint Monasterii bona, iura, Iurisdictiones, regalia, ac denique ipsum Monasterium.

Ad illudque singendum interpretationibus vtitur, quæ textui ipsi manifestam vim inferunt, ac ab apertâ concedentis ac omnium mente aberrant.

Item mutilat Diplomaticis textum, vltimaq; ad priora refert, rebus intermediiis (ad quas vltima referuntur) omisssis, vt ex collatione textuum apparebit; Interpretatur per facultatem infeudandi Abbatem Imperatoris nomine, data esse Archiepiscopo Regalia, feuda, dominia Maximiniana.

Sed & antea pro Archiepiscopo afferuerat primæ concessioni nunquam derogari nisi expreßum hoc sit.

In nullis autem Archiepiscopalibus rescriptis verbum vllum continetur, quo Maximinianis iuribus derogari exprimatur, aut de eorum Diplomaticibus aut priuilegiis fiat mentio.

Item pro Archiepiscopo paulò ante sustinuerat, quod Princeps non censeatur alicui ius suum aut possessionem auferre, aut vlli præjudicare velle in iure quæsito, & quod potius verba debent impropriari, quam ut alicui præjudicent, etiam si motu proprio, & ex certa scientia adsit clausula, idque de Iurisdictionibus loquens, quæ paulò post tam facile tolli ait.

Art. 5. Quod male afferat votum, Imperatores aliorum iuribus derogare potuisse ac derogasse, in quo Archiepiscopo magis officit.

T Andem & illuc pertinet votum, vt dicat Iuribus omnibus derogari potuisse, Cùmpriores, inquit, Imperatores non potuerint legem imponere successoribus à qua recedere non possent.

Atque etiam non aduertit inde omnes Archiepiscopi machinas destrui, omnes spes refecari.

Nam si posteriora sic facile derogant prioribus, neque potuerint priores Imperatores legem imponere successoribus, à qua recedere non possent (vti ait votum) eccc habent Maximiniana omnium Imperatorum Diplomata, Caroli IV. Friderici III. eiusdem Maximiliani I. Caroli V. Maximiliani II. Rudolfi II. aliorumque omnium Imperatorum, istis Archiepiscopalibus anteriora, posteriora, ac qualiacunque exigere velis.

Ac tandem & postremo moderni Imperatoris Ferdinandi II. non solummodo diploma confirmatorium, sed & sententiam in Iudicio contradictorio latā.

Contra quam, Cur ergo Archiepiscopus institit se ad Cameram in ius remitti, si ex nudâ & simplici Imperatorum posteriore voluntate omnia reuocari, donari, tolli, transferri possint?

Dices quod Electorum Privilegia, iuxta auream Bullam ab Imperatore reuocari nequeant.

Si ita est, legem ergo priores Imperatores imponere potuerunt successoribus, à qua recedere non possint, sed ut non reuocentur primæua Electoralis status priuilegia, cur non & idem de aliorum Imperij statuum iuribus præser-tim veteribus? attento specialiter in inaugurations solito promissio?

Sed si ponas Maximiniana iura, Maximinianis potuisse auferri, Archiepiscopis de nouo dari ex Imperatorum nudâ voluntate, an non dictat æquitas, ut eadem voluntate eadem iura primis suis Dominis possint restituiri?

Hic sanè militat præcipue ista legis sanctio, cuius ratio & in voto allegata est, ut quod quisque iuris in alium statuerit, eodem & ipse vitatur. l. 1. d. tit. Idque magis, quia fauorabilis est eiusque rei ad suum pristinum statum reditus.

Art. 6. Aliæ rationes, ob quas probatur, quod Imperatores Maximinianorum Iura non abstulerint, ut eadem Archiepiscopo donarent, immo ipsis Archiepiscopi assertionibus stabilitæ.

Cæterum trita ac nota sunt, quæ de potestate Principum tractantur, in locis communibus ac quæstionibus Scholasticis, vtrum priuilegia, Iurisditiones, ac iura, à prædecessoribus data reuocare possit successor, absque causa: vtrum in Principatu hæreditario; vtrum in electiō; vtrum priuilegia, quæ in contractum incident: quæ ob causam, aut factum reciprocum data sunt; vtrum illa, quæ data sunt Ecclesiæ, præsertim in fundatione; vtrum illa, quæ data sunt per viam feudi; vtrum illa, quæ confirmata sunt per possessionem immemorialem, & similia, in quæ inquirere non lubet, obvia enim sunt.

Suffecerit hīc, quod neque fecerint optimi Principes, neque facere intenderint, neque fecisse vlla iuris ratione dici, aut interpretari possit.

Verba Praefidis Fabri hīc non incongrue inferi posse videntur.

Etsi, inquit, de supremâ Principis potestate dubitare sacrilegio proximum quid esse creditur. l. 2. C. de crimin. Sacrileg. l. Sacrilegys. C. de diuers. rescript. Quia tamen digna Principis vox est, legibus alligatum se potius, quam solutum profiteri. l. digna vox 4. C. de legibus. Non abs te Imperatoribus placuit, rescripta quæ contra ius, vel utilitatem publicam impetrata sint perinde haberi, ac si non concessa essent. l. 2. l. vlt. & passim C. si contra ius vel utilit. public. Quasi circumuenta per obreptionem aut impudentiam, religione Principis, qui nec voluisse vñquam credendus est, quod iuste velle non potuit. argum. leg. Si quando 35. C. de inoff. testam. l. omnium 19. C. de testam. l. Nepos proculo. de verb. signif. Eaverò maximè rescripta contra ius esse censentur, ex quibus alicui iniuria inferatur, non enim iuris ratio patitur, ut inde nascatur occasio iniuriæ vnde iura oriuntur, quod vix est, ut non eueniat, quoties alteri iam quæstum ius, aut inuito, aut etiam ignorantia admittitur. l. nec annus. 4. de emancip. liber. l. 2. § si quis à Principe. ff. ne quid in loco public. l. quoties ff. de precibus imper. offerend. l. id quod nostrum. 11. ff. de reg. iur. hec Preses Faber in suo Cod. Fabriano. lib. 1. tit. II. si contra ius vel utilit. public. def. 1.

Cui

Cui addere libuit (inter alios mille) Gayllum *pract. obscr. lib. 2. obser. 58.* de opinione, in Imperiali camerâ, receptâ attestantem; Si Princeps, inquit, aliquid rescribat, si ad postulationem partis hoc fiat: isto casu iusta causa in Principiे disponente non præsumitur; immo præsumptio est Principiē importunitate, & ex falsis narratis supplicantis circumuentum esse. gloss. & DD. in l. Relegati &c. Hinc est quod quotidie contra rescripta Principiis, ad petitionem partium impetrata, exceptiones sub & obreptionis opponantur, cùm tacitè subintelligatur in rescriptis clausula illa, *Quatenus preces veritate nitantur. text. in c. Sedes &c. notab. text. in l. et s. legib. C. si cont. ius & util. public.* Et intentione Principiis nunquam videtur talis esse, quòd velit iuri alteri quæsito derogare, quia eius rescripta cum iustitia & saluo iure Tertij, hoc est, ita intelligenda sunt, ut nemini iniuriam faciant, nec Ius Tertij lèdant, sed saluum & illæsum relinquant. *Text. in cap. super eo. §. hoc tuam &c.*

Art. 7. Quòd particulariter Imperij membrum non posse supprimi, nec de suo gradu deiici.

Sed & in alijs hic versamur circumstantijs.

Tractatur de legibus Imperij, agitur de vno ex Imperij membris à suo gradu deiiciendo, deque suo standi in Imperio iure priuando.

Quod, an fieri possit: istis, qui statum Imperij cognitum habent, decidendum relinquimus.

Statum esse Imperij siue in Imperio statum consistentiamque habere, quām excellens, arduumque ius sit, quām firmum fixumque, nemo est, qui ignoret.

Quantum autem dedecus dignitatisque detrimentum inferret ab illo statu remoueri, nec satis sciti aut comprehendendi queat.

Ac si in communibus feudis Dominus non potest præiudicare Vasallo, siue in reuocatione aut sublatione vlli rei aut iuris, siue in alteratione feudi, in qualitate, dignitate, authoritate, siue in aggrauatione subjectionis aut seruitiorum, cùm feudum sit contractus vltro citroque obligatorius, de iure gentium ac naturæ in conditionibus suis exactè vtrimque obleruandus. *Tusch. verb. feudum, concl. 110. n. 1. 2. 3. 4. 5. 6. 7. 8. 9. 10. & DD. p. 53.*

Multò minus præiudicari queat Imperij statui in suo illo status gradu, dignitate ac prærogatiuâ.

Regula infallibilis est (ait Carolus Loysacius *tract. de dominij cap. 7. n 70.*) in materia dominiorum, quòd, quòd proprius illa accedunt ad Regem, à quo omnis dignitas procedit: eo digniora existant. *Et cap. 4. num. 42.* Ut quodcunque corpus eò magis illuminatur, quòd ad solem opponitur: ita dominia, quæ non aliud sunt, quām radij supremæ Principiis potestatis, de eâdem magis participant, quòd proximius ad illam accedunt.

Vt Princeps supremus in suo Principatu ideo summus est, quia in terris aliquam supra se neminem habet, sed soli Deo opt. Max. Regi Regum, & Domino Dominantium immediatè subiectur, ita & Principes subalterni eò maiores excelsioresque existunt, cùm alium præter Principem illum supremum non recognoscunt.

Ac vt inestimabilis iniuria contingere illi supremo principi, qui à suo illo supremo statu in subjectionem alterius Principis coniceretur: ita & proportionaliter Principi subalterno, qui suo immediato statu priuaretur, ac, siue per



intermediam alterius Domini interiectionem, siue per quodvis aliud retrogradationis medium, in inferiorem gradum deturbaretur.

Immò nec vel à simplicissimo ordine retrogradationes vñquam indicuntur, nisi pœnæ supplicijque causa, ob culpam.

Finge (inquit Diuus Hieronymus in Epistola ad Pammachium) aliquem tribunitiæ potestatis suo vitio regradatum, per singula malitiæ officia ad Tyronis vocabulum deuolutum.

Idem aduersus Iouin. In volumine Ezechielis: Sacerdotes, qui peccauerunt regradantur in ædituos & ostiarios.

Ammianus Marcellinus lib. 29. ita Theodosius, equites, qui ad rebellem defecrant, ut contentum se leuiore supplicio demonstraret, omnes contrusit ad infimum militiæ gradum.

Text. autem l. 3. C. de domeſt. & protecſ. lib. 12. ita habet. Si quis domesticorum sine commeatu per biennium obsequijs serenitatis nostræ defuerit, is retrorsum in ordinem tractus inferiorem, quinque sequentibus postponatur; si vero triennium eius absentiæ continuâſſe monstretur, usque ad decimum locum procul dubio regredietur; quod si quadriennio abfuerit, nouissimus collocetur, quinquennium autem si fuerit diuagatus, ipso iam cingulo spoliandus est.

Text. l. 2. C de comeatu lib. 12. idem statuit his verbis. Quicunque de scriniis, aut agentibus in rebus, vel etiam ex officijs palatinis sex mensium spatium, supra diem commeatus abfuerit, is in inferiorem locum quinque antelatis posterioribus deuoluatur; is vero, qui anni vacationem arbitratu proprio iudicarij precepti oblitus assumpserit, a decem post se militantibus transfeatur, ac deinde cum iam aliquis desidiâ quadriennio officium proprium adire neglexerit, quadraginta de sequentibus post feratur; qui vero nec post quadriennij quidem tempus, militantium non immerito matriculis afferatur.

Modestinus in l. 2. ff. de re militari inter pœnas militares & has numerat, militiæ mutationem, gradus deiectionem.

Istud ne Imperii membro statuūte contingere possit, ut non solum à sui soliti ordinis loco a honore, sed & ab ipso statu deturbetur, atque ex Imperio, in quo existendi, tanquam pars & membrum integrans, Ius habebat, reſecetur ac ejiciatur? siue illud fiat per viam alterationis aut subalternationis feudorum, lurisdictionis, regalium: siue ullo alio pacto, via ac modo attentetur; & an per unum rescriptum, quod Archiepiscopi pro confirmatione iurium ac privilegiorum sua Ecclesiæ impetraverint, aut impetrare adhuc poterunt, id factum esse censeatur?

Sed iura cum habemus ab ipsa parte dicta ac data, aliunde accersere opus non est, lubet ergo subiungere ipsius Archiepiscopi per sui libelli scriptorem impressum testimonium §. quæ Pontificia pag. 28. quod sic habet.

Quæ Pontificia, Imperatoria, Regia, ac supremorum imperij Tribunalium respectu indulta, Regalia, priuilegia, sententiae & res iudicatae, concessiones, confirmations ac corroborations, antiquissima item & prescripta possessio contra clarum textum articuli tertij Capitulationis iuratae, non tam leuiter vel ob proprium interest, vel ad nutum Monachorum deficitentium ac refractoriorum (verba sunt ornata, quibus libellus paſsim inspergitur) vel alias ob causas prohibitas subuerit, vel ad instar nasi cerei hinc inde verti possunt ac debent.

Ita exquisita sunt, si secus faxit, ecce remedium; nam subneget, hoc si fiat aut tentetur, Electores, Principes & statutus imperij, qui in praeminentibus suis, dignitatibus, Regalibus, Priuilegiis & Iuribus, cum primis sententij ac rebus iudicatis

contra

contra ius & fas constitutionemque pacis publicae violenter turbantur, eadem impunita defendere, ac se in possessione sua, vel quasi, manu tenere licite queunt.

Itaque claudatur hæc disceptatio per verbi diuini pronunciatum, Ex tuo ore te iudico.

S. V. Quod fruole ad præscriptionem recurrat voti
Auctor.

Tandem ad Præscriptionis auxilium confugit, iniquum illud remedium in notoriâ malâ fide, verùm clarissimis rationibus conuincitur auctor voti, & ex suis ipsis verbis, quod Archiepiscopus Dominium Iurisdictionale in Abbatiam non modò non præscriperit, sed nec possederit.

Art. I. Ex ipsis voti verbis euincitur, quod Abbatia semper manserit sub potestate Imperatoris, & nunquam possiderit ius in illam Archiepiscopus.

Ipsum votum format ac Archiepiscopo obijcit obiectionem sanè firmam, quam non soluit, neque vñquam ullus soluat, hisce nempe verbis: *Et ob id cum posterioribus accedat confessio omnium partium, Imperatoris, Archiepiscopi & Abbatis. Quod videlicet sit membrum Imperij, habeat iura, feuda & Regalia ab Imperio, præualcre debet ista confessio fortificata per alia in iudicio producta, & huic standum est. deinde paulo post: Rarum quoque facere evidenter testes producti contra confessionem prædictam, quia cum constet ex Maximiliani Priuilegio etiam Anteriores Archiepiscopos aliud ius in Monasterium non habuisse, quam tunc ei confert, (infeudandi nempe Imperatoris nomine) & sic Monasterium in potestate Imperatoris mansisse. Præterea hæc subnectit: Nota ex inuestitura non patet, Archiepiscopum posseditse, ergo possessionem non potuit inuertere, igitur inuersam potius posseditsem, & sic in malafide, ut non valeat præscriptio, etiam si probata assit. l. matre agere. C. de præscriptione 30. vel. 40. annor. præscript. Quomodo enim prescribere potuit, quod ad alium pertinere sciebat? Ita votum; pulchra sanè, apta ac vera, nisi quod in his verbis, ex inuestitura non patet Archiepiscopum posseditse, credibile est transpositam esse particulam: Non, ac imprimi vel scribi debuisse, Ex inuestitura patet Archiepiscopum non posseditse, quamvis effectu penè in idem recidat, ac vñrumque verum sit.*

Si quidem ex inuestitura nomine Imperatoris vñrumque deducitur, & quod ex ea non probetur Archiepiscopum posseditse, & quod probetur non posseditse, & non solum posseditse, sed neque ius Dominij habuisse ex istis, quæ abunde de illa re supra deducta sunt; nec enim idem est possidere & alio nomine possidere: nam possidet, cuius nomine possidetur, Procurator alienæ possessioni præstat ministerium. *Text. in l. quod meo ff. di acquir. vel amitt pos. adde text in l. qui bona fide 19. eod. tit. & illa, quæ latè ab Anton. Gomæl. tractantur in Comment. ad leges Tauri in leg. 45. n. 63. & multis seqq.*

Illud idem statuit ipse Votator pag. 129. vers. sed quia. his verbis: *Præfertim cum sint contraria, ut dixi, vicem gerere Imperatoris, & rem possidere.*

Quod autem in Voto subiungitur non potuisse euertere possessionem, siue non potuisse sibi ipsi causam possessionis mutare, neque ex illa possessionis

muta-